

Na osnovu člana 17. st. 1. i 4. Zakona o veterinarstvu u Bosni i Hercegovini ("Službeni glasnik BiH", broj 34/02) i člana 61. stav 2. Zakona o upravi ("Službeni glasnik BiH", br. 32/02 i 102/09), Ministarstvo spoljne trgovine i ekonomskih odnosa, na prijedlog Kancelarije za veterinarstvo Bosne i Hercegovine, donosi

PRAVILNIK
O ALTERNATIVNOJ IDENTIFIKACIONOJ OZNACI ZA ODREĐENE SIROVINE I
PROIZVODE ŽIVOTINJSKOG PORIJEKLA

Član 1.
(Predmet)

Pravilnikom o alternativnoj identifikacionoj oznaci za određene sirovine i proizvode životinjskog porijekla (u daljnjem tekstu: Pravilnik) propisuju se pravila za korištenje alternativne identifikacione oznake za određene sirovine i proizvode životinjskog porijekla (u daljnjem tekstu: alternativna identifikaciona oznaka), upotreba i obilježavanje, te izgled i sadržaj alternativne identifikacione oznake.

Član 2.
(Upotreba alternativne identifikacione oznake)

(1) U svrhu sprovođenja člana 3. ovog Pravilnika, Federalno ministarstvo poljoprivrede, vodoprivrede i šumarstva, Ministarstvo poljoprivrede, šumarstva i vodoprivrede Republike Srpske, Vlada Brčko Distrikta-Odjeljenje za poljoprivredu (u daljnjem tekstu: nadležni veterinarski organi entiteta i Brčko Distrikta BiH) mogu odlučiti o upotrebi alternativne identifikacione oznake iz Priloga ovog Pravilnika, umjesto primjene posebne identifikacione oznake, propisane posebnim propisima o uslovima zdravlja životinja koji se primjenjuju na proizvodnju, preradu, stavljanje u promet i unošenje hrane životinjskog porijekla.

(2) Nadležni veterinarski organi entiteta i Brčko Distrikta BiH o upotrebi alternativne identifikacione oznake iz stava (1) ovog člana obavještavaju Kancelariju za veterinarstvo Bosne i Hercegovine.

Član 3.
(Obilježavanje mesa peradi i uzgojene pernate divljači za stavljanje na tržište
Bosne i Hercegovine)

Meso peradi ili uzgojene pernate divljači, uključujući mljeveno meso, mašinski otkošteno meso i mesne pripravke i/ili proizvode od mesa koje ne ispunjava uslove iz posebnog propisa o uslovima zdravlja životinja, a koji se primjenjuju na proizvodnju, preradu, stavljanje u promet i unošenje sirovina i proizvoda životinjskog porijekla, može da se stavi na tržište Bosne i Hercegovine u skladu sa članom 23. stav (1) tačka g) Pravilnika o mjerama za suzbijanje i kontrolu influence ptica ("Službeni glasnik BiH", broj 35/10) ili članom 9. stav (2) tačka f) alineja 1) i stav (4) tačka c) Pravilnika o mjerama kontrole njukastl bolesti ("Službeni glasnik BiH", broj 35/10), ukoliko je obilježeno alternativnom identifikacionom oznakom propisanom ovim Pravilnikom.

Član 4. (Prilog)

Izgled i sadržaj alternativne identifikacione oznake opisan je u Prilogu ovog Pravilnika koji čini njegov sastavni dio.

Član 5. (Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj 01-1-02-4517/10
23. decembra 2010. godine
Sarajevo

Ministar
Mladen Zirojević, s. r.

ПРИЛОГ

Алтернативна идентификациона ознака из члана 2. став (1) овог Правилника мора бити следећих димензија или других одговарајућих размјера како би се обезбиједила читљивост података:

Димензије:

$XY = 8$ мм, гдје XY означава одговарајући код (шифру) земље у складу са чланом 3. тачка (з) Правилника о обиљежавању сировина и производа животињског поријекла и изради, облику и садржају ветеринарских ознака

$1234 = 11$ мм, гдје 1234 означава ветеринарски контролни број објекта у складу са чланом 10. став (4) Правилника о обиљежавању сировина и производа животињског поријекла и изради, облику и садржају ветеринарских ознака

Ширина вањског пречника = најмање 30 мм.

Дебљина обруба квадрата = 3 мм.

